

'Boikot skou oor naam'

AfriForum deel 220 000 pamflette uit

Hilda Fourie

Boikot die skou.

Dit is wat die burgerregte-wag-hond AfriForum van Pretoria-ners wil hê nadat die skou se naam van die Pretoria Skou na die Tshwane Internasionale Skou verander het.

Die skou vind van 27 Augustus tot 5 September plaas. Vanjaar se tema is "Trots en genot van die stad".

AfriForum sal aanstaande week uit protes teen die verandering van die skou se naam 220 000 pamflette by huise in Pretoria af-lewer waarmee hulle Pretoria-ners wil oortuig om die "Tshwane Internasionale Skou" te boikot.

Die pamflette is spesifiek daar-op gemik om die publiek in te lig "dat die skou sy rug op Pretoria se naam gekeer het", het mnr. Kallie Kriel, uitvoerende hoof van AfriForum, gesê.

Die sanger Steve Hofmeyr het sy steun aan AfriForum gegee en gesê: "Tshwane is 'n stadsraad en nie 'n plek nie."

Mnr. Bert Badenhorst, voorsitter van die Tshwane Besigheids-en Landboukorporasie (Tshwabac), wat die skou reël, het gesê die naamsverandering was nie 'n politieke verandering nie, maar 'n "logiese verandering".

Volgens Badenhorst het die Pretoria-skouterrein se naam drie jaar gelede in die Tshwane Events Centre verander om klem te lê op Tshwabac se handels-merk en op die feit dat die geriewe by die skougronde vir meer as net skoue en uitstallings gebruik kan word.

"Om die skou doeltreffend te bemark en dit vars en modern te hou is verlede jaar besluit dat die



Só lyk die nuwe logo.

Pretoria Skou voortaan as die Tshwane Internasionale Skou bekend sal staan, en dat dit as die T-Skou bemark sal word," het Badenhorst gesê.

Boonop verwys die naam Tshwane na die groter metropoli-taanse gebied en pas dit die skou se bemarkingsveldtog soos 'n handskoen, het hy gesê. Landbou-vennote, borge en groot uitstal-lers het hul ondersteuning aan die verandering gegee.

"Die groep wat die meeste deur die boikot-aksie geraak gaan word, is ons uitstallers, wat reeds onder moeilike ekonomiese om-standighede handel dryf."

Volgens Kriel het AfriForum talle kere probeer om die skoube-stuur te oortuig om nie die skou se naam na die "Tshwane-skou" te verander nie, maar daar het dadels van gekom.

Die verandering wat deson-danks plaasgevind het, het Afri-Forum genoop om "stappe teen die skou te doen".

Kriel het gesê die voormalige Pretoria Skou se sukses is groot-likes te danke aan Pretorianers wat dit oor die jare lojaal onder-steun het. Deur die naamsveran-dering byt die skou die hand wat hom voed.

Daarby speel die skou-bestuur met die naamsverandering in die hande van die Tshwane-metro-raad se volgehoue pogings om die publiek te mislei om te glo dat die hoofstad se naam nie Pretoria is nie.

"Pretorianers se geld sal die praatwerk moet doen vir die be-houd van Pretoria se naam," het Kriel gesê.